

神令公飲酒公不飲輒言語不遜公曰何敢爾卽叱五伯捉曳出鞭脊不見人如有引之去至中庭已見抱木解衣但聞鞭聲舉身流血主人疾亦愈

祖龍馭石玉女投壺

述異記始皇作石橋海上欲觀日出有人驅石去不速神人鞭之流血今石橋色猶赤又真境錄臨安洞霄宮路側石崖之上按記云秦始皇馭山嶽擬塞東海常役鬼兵來移此山山勢欲動忽有仙人來叱鬼直以身靠定使不前去至今崖上有肩帔簪冠印成深迹焉

列仙傳東王父與玉女投壺每一投千二百鳥設有不入者

道藏輯要

三洞群仙錄

齋

真集五  
四七上

天爲嚙

呼監切噓笑也

穆王八駿鄴令雙鳧

本傳周穆王好神仙之道駕八駿之馬造於崑崙之山食王木之實謁西王母而得昇天之訣後托身解化示民有終

王氏神仙傳王喬漢明帝時爲鄴縣令有神術每月朔望常詣京朝帝怪其來數而不見車騎密令太史伺之言臨至必有雙鳧從東南飛來於是侯鳧至舉網得之乃一對鳥也蓋四年時所賜尙書履也

太虛受印道全佩符

仙傳拾遺程太虛者果州西充人潛心高靜居南岷山絕粒